


A4-114

069223

南陽活人書



069223



活人書卷第十三

大柴胡湯

三十一

太陽病過十餘日發汗吐下之後四

五日柴胡證仍在者先與小柴胡嘔不止

一云嘔心止小安

下急鬱鬱微煩者爲未解也與大柴胡湯下之則愈

○傷寒十餘日熱結在裏往來寒熱者與服○傷寒

發熱汗出不解心中痞鞭嘔吐而下利者此主之上

屬太陽

○陽明病汗多者急下之宜服○少陰病下利

清水心下痛口乾者可下之宜大柴胡大承氣湯○

病腹中滿痛此爲實當下之宜大承氣大柴胡湯○



腹滿不減減不足言當下之宜大柴胡大承氣湯○  
傷寒後脉沉者內實也下之解宜服○傷寒六七日  
目中不了了睛不和無表裏證大便難身微熱者實  
也急下之宜大承氣大柴胡湯○太陽病未解脉陰  
陽俱停必先振慄汗出而解但陰脉微者下之而解  
宜服○病人無表裏證發熱七八日雖脉浮數者可  
下之大柴胡湯主之○病人煩熱汗出則解又如瘧  
狀日晡所發熱者屬陽明脉實者可下之大柴胡大

承氣湯主之

屬可下  
病脉證



仲景方柴  
胡半斤黃  
芩芍藥三  
兩半夏半  
升枳實四  
枚生薑五  
兩棗子十  
二枚水一  
斗二升取  
六升去滓  
再煎服一  
升日三

柴胡 四兩

黃芩

芍藥 各一兩半

半夏 一兩一分洗

枳實 二枚去穰炒千金云枳實去穰一分準二枚

右剉如麻豆大每服抄五錢七生薑四片棗子一

枚水一盞半煮至八分去滓溫服以利為度未利

再服 本方無大黃欲下者加大黃一兩

柴胡桂枝湯 三十一 傷寒六七日發熱微惡寒支節煩

疼微嘔心下支結外證未去者此主之 屬太 陽 ○發汗

多亡陽譫語者不可下與此藥和其榮衛以通津液

後自愈 屬發汗後 病脈證



仲景方柴

胡四兩桂

枝黃芩人

參芍藥一

兩半甘草

一兩半夏

二合半生

薑一兩棗

子六枚水

七升取三

升服一升

日三

仲景方柴

胡半斤桂

柴胡 一兩  
三錢

桂枝 去皮

黃芩

人參

芍藥 各半  
兩

半夏 四錢  
字洗

甘草 三錢  
字炙

右剉如麻豆大每服抄五錢七生薑四片棗子一

枚水一盞半煮至八分去滓溫服

柴胡桂枝乾薑湯 三十二 傷寒五六日已發汗而復下

之胃脇滿微結小便不利渴而不嘔但頭汗出往來

寒熱心煩者此為未解也宜服之 屬太

柴胡 四兩

桂枝 去皮

黃芩 各一  
兩半



校真參三

兩牡蠣甘

草乾薑二

兩括樓根

四兩水一

斗二升取

六升去滓

再煎取三

升服一升

日三

仲景方柴

胡四兩黃

芩龍骨鈔

丹人參桂

枝茯苓一

兩半大黃

牡礪熬

甘草炙

乾薑各一兩

括樓根二兩

右剉如麻豆大每服抄五錢七水一盞半煮至八

分去滓溫服食頃再服

柴胡加龍骨牡蠣湯三十三傷寒八九日下之胃滿煩

驚小便不利讖語一身盡重不可轉側者此主之屬太陽

柴胡 黃芩

龍骨各一兩

鉛丹 人參

桂枝

茯苓各三分 大黃半兩

半夏半合湯洗



二兩半夏

二合半牡

蠣二兩生

薑一兩半

棗子六枚

水八升取

四升內大

黃煮一二

沸服一升

據此柴胡

當用二兩

黃芩龍骨

鈔丹人參

桂枝茯苓

當用三分

大黃當用

一兩半夏

當用一合

牡蠣

一分半煨

右剉如麻豆大每服抄五錢七生薑四片棗子一

枚水一盞半煮至八分去滓溫服

又見辯誤

柴胡加芒消湯

傷寒十三日不解胃脇滿而嘔日

晡所發潮熱已而微利此本柴胡下之以不得利今

反利者知鑿以圓藥下之此非其治也潮熱者實也

先宜服小柴胡湯以解外後以柴胡加芒消主之

屬太陽

黃芩

人參

各半兩

柴胡

一兩三錢三字

芒消

一兩

甘草

炙半兩

半夏

四錢字湯洗



二分半牡蠣當用一分

分

仲景方於

小柴胡湯

方內加芒

硝六兩餘

依前法服

不解更服

仲景方桂

枝甘草二

兩石膏如

雞子大杏

右剉如麻豆大每服抄五錢七生薑四片棗子一

枚水一盞半煮至八分去滓內芒消更微沸温服

大青龍湯三十五太陽中風脉浮緊發熱惡寒身疼痛

不汗出而煩躁者此藥主之若脉微弱汗出惡風者

不可服之服之則厥逆筋惕肉瞤此為逆也○傷寒

脉浮緩身不疼但重乍有輕時無少陰證者此主之

屬太陽

桂枝去皮一兩

甘草一兩炙

石膏如半箇雞子太碎

杏仁二十枚去皮尖

麻黃三兩去節湯泡去黃汁焙乾杵



人四十箇  
麻黃六兩  
生薑三兩  
棗子十二  
枚水九升  
煮麻黃減  
二升內藥  
取三升服  
一升取微  
似汗

右剉如麻豆大每服抄五錢七生薑四片棗子一枚水一盞半煮至八分去滓溫服取汗爲度若汗周身潤止後服未周身潤可停待相次服盡不欲汗多恐亡陽故也若汗多不止用溫粉撲之

### 溫粉方

白朮

藁本

川芎

白芷

各等分

右搗羅爲細末每末一兩入米粉三兩和之粉撲

周身止汗無藁本亦得若汗已出後盡劑服汗多



亡陽遂虛惡風煩躁不得眠也

小青龍湯

三十六

傷寒心下有水氣欬而微喘發熱不

渴服湯已渴者此寒去欲解也此主之 傷寒表不

解心下有水氣乾嘔發熱而欬或渴或利或噎或小

便不利小腹滿或喘者此主之

芍藥

桂枝 去皮

乾薑 炮

甘草 炙

細辛 各一兩半

五味子 一兩別本或加一分

半夏

一兩半湯洗若渴者去半夏加栝樓根一兩半

麻黃

一兩半微利者去麻黃加芫花如一彈子熬令赤色若噎者去麻黃加附子半箇炮

仲景方芍

藥桂枝乾

姜不炮甘

草細辛三

兩五味子

半升半夏

半升麻黃

三兩芫花



如雞子大  
附子一枚

茯苓四兩

杏仁半升

水一斗煮

麻黃減二

升內藥取

三升服一

升

仲景方芍

藥六兩甘

草桂枝三

兩膠飴一

升棗子十

二枚生薑

若小便不利小腹滿者去麻黃加茯苓二兩若喘者去麻黃加杏仁一兩半去皮尖麻黃湯炮

右剉如麻豆大每服抄五錢七水一盞半煮至八

分去滓温服杏仁半夏二味或各作一兩一分

小建中湯三十七傷寒陽脉濇陰脉弦法當腹中急痛

先與小建中湯不差者小柴胡湯主之○傷寒二三

日心中悸而煩者宜服

芍藥 三兩

甘草 一兩

桂枝 一兩半

膠飴 半斤舊有微澹或嘔者去膠飴局方加黃耆一兩半為黃耆建中湯

右剉如麻豆大每服抄五錢七水一盞半生薑四



三兩水七  
升取三升  
內膠飴更  
上微火消  
觸服一服  
日三

片大棗子一枚煮至八分去滓下膠飴兩匙許再煎化温服日三服夜二服尺脉尙遲再作一劑加黃耆末一錢

### 煎造膠飴法

糯米

一升揀淘淨

大麥藥末

六兩

右米一如炊飯甑上至氣溜取下傾入一盆子入藥末一合并湯一盞來許拌和再上甑至飯熟却入盆子內都以藥末拌和入一磁罐子可容五升許冬月罐子熱春秋夏温冬月用湯二升許入罐



子內約內面飯上湯三指許卽得布并紙三五重  
蓋定更以綿或絮抱定近火春秋夏卽溫和至一  
宿見米浮在水面上卽以布絞裂取清汁銀石器  
內煎至面上有膜卽以木篋不住手攪至稀糊以  
磁器收夏月置井中庶不酸

大陷胃湯

三十八

太陽病脉浮而動數浮則爲風數則

爲熱動則爲痛數則爲虛頭痛發熱微盜汗出而反  
惡寒表未解也鑿反下之動數變遲膈內拒痛胃中  
客虛客氣動膈短氣躁煩心中懊懣陽氣內陷心下



因鞭則爲結胃大陷胃湯主之若不結胃但頭汗出  
餘處無汗劑頸而還小便不利身必發黃○傷寒六  
七日結胃熱實脈沉而緊心下痛按之石鞭者宜服  
○傷寒十餘日熱結在裏復往來寒熱者與大柴胡  
湯但結胃無大熱者此爲小結在胃脇也但頭微汗  
出者此主之○太陽病重發汗而復下之不大便五  
六日舌上燥而渴日晡所小有潮熱從心下至小腹  
鞭滿而痛不可近者此主之○傷寒五六日嘔而發  
熱者柴胡湯證具而以他藥下之柴胡證仍在者復



仲景方大黃六兩甘遂一錢七芒消一升水六升煮大黃取二升內消煮一兩沸內甘遂末服一升

與柴胡湯此雖已下之不為逆必蒸蒸而振却發熱

汗出而解若心下滿而鞭痛者此為結胃也此主之

已上屬

太陽

大黃

一兩半去皮錦文者為末

甘遂

一字赤連珠者細羅為末

芒消

五分

右以水二盞先煮大黃至一盞去滓下消一沸下

甘遂末溫服得快利止後服

又大陷胃湯方

桂枝

一兩

甘遂

一兩或作半兩

大棗

一兩或作三枚



人參

一兩

括樓根

一枚去皮只  
用四分之

右剉如麻豆大每服五錢七水一盞或作二盞資  
至八分去滓温服胃中無堅物勿服之

大陷胃圓

三十九

病發於陽而反下之熱入因作結胃

病發於陰而反下之

汗一出

因作痞也所以成結胃者

以下之太早故也結胃者項亦強如柔痙狀下之則

和宜此藥主之

屬太陽

大黃

二兩或  
作四兩

芒消

三分

杏仁

三分去皮  
尖熬黑

苦葶藶子

二錢  
熬

仲景方大  
黃半斤芒  
消半升杏  
入半升葶



蔗半升廿  
遂一錢七  
蜜二合水  
二升取一  
升

仲景方半  
夏半升括  
樓實大者  
一枚水六  
升法淨內  
藥取二升

右搗羅二味內杏仁芒消合研如脂圓如彈子大

每服一圓抄甘遂末半錢七白蜜一合水二盞者

取一盞頓飯一宿乃下如不下再服甘遂性猛宜斟酌量虛實

服之

小陷胃湯四十一小結胃病正在心按之則痛脈浮滑

者此主之屬太陽

半夏湯洗秤二兩半黃連一兩

括樓一枚去皮或作半枚

右剉如麻豆大水二盞先煮括樓至一盞半下諸

藥煎至八分去滓溫服未知再服微利黃涎便安



也

大承氣湯四十二陽明病脈遲雖汗出不惡寒者其身

必重短氣腹滿而喘有潮熱者此外欲解可攻裏也

手足濇然汗出者此大便已鞣也此藥主之若汗多

微發熱惡寒者外未解也一法與桂枝湯其熱不潮未可與

承氣湯若腹大滿不通者可與小承氣湯微和胃氣

勿令大泄下○陽明病潮熱大便微鞣者可與此藥

不鞣者不可與之○傷寒若吐若下後不解不大便

五六日上至十餘日日晡所發潮熱不惡寒獨語如

別微發熱惡寒者作反微惡寒者



見鬼狀若劇者發則不識人循衣摸牀惕而不安微喘直視脉弦者生濇者死微者但發熱譫語者此主之若一服利則止後服○陽明病譫語有潮熱反不能食者胃中必有燥屎五六枚也若能食者但鞭耳宜服○陽明病下血譫語者此爲熱入血室但頭汗出者刺期門隨其實而寫之濇然汗出則愈汗出譫語者以爲有燥屎在胃中此爲風也須下者過經乃可下之下之若早語言必亂以表虛裏實故也下之愈宜服○二陽併病太陽證罷但發潮熱手足熱熱



汗出大便難而譏語者下之則愈宜服。○陽明病下  
之心下懊憹而煩胃中有燥屎者可攻腹微滿初頭  
鞭後必澹不可攻之若有燥屎者宜服。○病人煩熱  
汗出則解又如瘧狀日晡所發熱者屬陽明也脈實  
者宜下之脈浮虛者宜發汗下之與大承氣發汗宜  
桂枝湯。○大下後六七日不大便煩不解腹滿痛者  
此有燥屎也所以然者本有宿食故也宜服。○傷寒  
六七日目中不了了睛不和無表裏證大便難身微  
熱者此爲實也急下之宜服。○陽明病發熱汗多者

別無傷寒

之七日一  
條



急下之宜服。○得病二三日脈弱無太陽柴胡證煩躁心下鞭至四五日雖能食以小承氣湯少少與微和之令小安至六日與承氣一升若不大便更六七日小便少者雖不大便但初頭鞭後必澹未定成鞭攻之必澹須小便利屎定鞭此主之。○發汗不解腹滿痛者急下之宜服。○腹滿不減減不足言當下之宜服。○病人小便不利大便乍難乍易時有微熱喘冒不能卧者有燥屎也宜服。○陽明少陽合病必下利其脈不負者爲順也負者失也互相尅賊名爲負。



也脉滑而數者有宿食也當下之宜服

已上屬陽明

○少

陰病二三日口燥咽乾者急下之宜服○少陰病自

利清水色純青心下必痛口乾燥者可下之宜服○

少陰病六七日腹脹不大便者急下之宜服

已上屬少陰

○下利三部脉皆平按之心下鞕者急下之宜服○

下利脉遲而滑者內實也利未欲止當下之宜服○

寸口脉浮而大按之反濇尺中微而濇故知有宿食

當下之宜服○下利不欲食者以有宿食故也當下

之宜服○下利差至其年月日時復發者以病不盡



故也當下之此主之○下利脉反滑當下所去下乃

愈此主之○脉雙弦而遲者必心下鞭脉大而緊者

陽中有陰也可下之宜服○病腹中滿痛者此為實

也當下之宜服此主之已上屬可下病脉證

大黃二兩錦文者去皮生用酒洗過枳實四枚或作三枚去穰炒淨秤用半兩

厚朴四兩去皮芒消二兩或作一合半朴消有蘆頭者亦得

右剉如麻豆大每服抄五錢七水二盞先煮厚朴

枳實至一盞餘下大黃煮取六分去滓入芒消煎

一二沸放溫服以利為度未利再與一服

仲景方大

黃四兩厚

朴半斤枳

實五枚芒

消三合水

一斗煮三

物取五升

去滓內大

黃取二升

去滓內芒



用分再服

小承氣湯

四十三

陽明病潮熱大便微鞅者可與大承

氣湯不鞅者不可與之若不大便六七日恐有燥屎  
欲知之法少與小承氣湯湯入腹中轉失氣者此有  
燥屎也乃可攻之若不轉失氣者此但初頭鞅後必  
溏不可攻之攻之必脹滿不能食也欲飲水者與水  
則噦其後發熱者必大便復鞅而少也與小承氣湯  
和之不轉失氣者不可攻也○陽明病脈遲雖汗出  
不惡寒其氣必重短氣腹滿而喘有潮熱者此爲外  
欲解可攻裏也手足濇然汗出者此大便已鞅也大



承氣湯主之。若腹大滿不通者，與小承氣湯微和胃氣，勿令大泄下。○陽明病，其人多汗，以津液外出，胃中燥，大便必鞕，鞕則譫語。此藥主之。若一服譫語止，更莫復服。○陽明病，譫語潮熱，脈滑而疾者，此藥主之。因與承氣湯一升，腹中轉氣者，更服一升。若不轉氣者，勿更與之。明日又大大便，脈反微濇者，裏虛也，爲難治，不可更與承氣湯。○太陽病，若吐若下，若發汗後微煩，小便數，大便鞕者，與小承氣湯和之，愈。○得病二三日，脈弱無太陽柴胡證，煩躁，心下鞕，至四



五日雖能食以小承氣湯少少與微和之令小安屬陽

明

○傷寒下利譏語者有燥屎也此主之

屬厥陰

仲景方枳實三枚水

大黃

四兩去皮

厚朴

二兩去皮薑汁炙

枳實

四兩或作三枚去穢炒淨秤半兩也

二服

右剉如麻豆大每服抄五錢七以水一大盞半煮

至八分去滓溫服以利為度初服湯更衣者止後

服不爾者再服之

調胃承氣湯

四十三

發汗後惡寒虛故也不惡寒但熱

者實也當和胃氣此主之○太陽病未解脈陰陽俱



停必先振慄汗出而解但陽脉微者先汗之而解但  
陰脉微者下之而解若欲下之宜服○傷寒脉浮自  
汗出小便數心煩微惡寒腳攣急與桂枝湯欲攻其  
表此誤也得之便厥咽中乾煩躁吐逆作甘草乾薑  
湯與之以復其陽若厥愈足温者更作芍藥甘草湯  
與之其脚卽伸若胃氣不和譫語者少與調胃承氣  
湯○傷寒十三日過經譫語者以有熱也當以湯下  
之若小便利者大便當鞭而反下利脉調和者知醫  
以圓藥下之非其治也若自下利者脉當微厥今反



和者此為內實也此主之○太陽病過經十餘日心

下溫溫若吐而胃中痛大便反澹腹微滿鬱鬱微煩

先此時自極吐下者與服之若不爾者不可與但欲

嘔胃中痛微澹者此非柴胡證以嘔故知極吐下也

○陽明病不吐不下心煩者可與服○太陽病三日

發汗不解蒸蒸熱者屬胃也此主之○傷寒吐後腹

脹滿者與服

已上屬陽明

甘草

一兩

大黃

二兩 去皮

芒消

一兩三分或作一兩一分

右剉如麻豆大每服抄五錢七以水一大盞煎至

景方大  
四兩酒  
甘草二  
芒消半



水三升  
一升去  
內芒消  
煮令沸  
少溫服

仲景方水  
七升取二  
升半去滓  
內消上火  
微沸先食  
服五合日  
三

七分去滓下硝更上火二三沸溫頓之

桃核承氣湯

四十四

太陽病不解熱結膀胱其人如狂

血自下下者愈其外不解者尙未可攻當先解其外

外解已但少腹結者乃可攻之宜用此藥

屬太陽

大黃

四兩

桂枝

去皮二兩

甘草

二兩炙

芒消

二兩

桃人

去皮尖雙仁者五十箇搥碎

右剉如麻豆大每服抄五錢七以水二大盞煮至

八分去滓下硝煎化溫服以微利爲度未利移時

再服



梔子豉湯

四十五

發汗吐下後虛煩不得眠若劇者必

反覆顛到心中懊懣此主之○發汗若下之而煩熱

胃中空者此主之○仲景云凡用梔子湯病人舊微

溘者不可與服之○傷寒五六日大下之後身熱不

去心中結痛者未欲解也此主之

已上屬太陽

○陽明病

脈浮而緊咽燥口苦腹滿而喘發熱汗出不惡寒反

惡熱身重若發汗則躁心憤憤反譏語若加溫針必

恍惚煩躁不得眠若下之則胃中空虛客氣動膈心

中懊懣舌上胎者此主之○陽明病下之外有熱手



仲景芳香  
豉四兩梔  
子十四枚  
水四升取  
梔子湯二  
升半內香  
豉取一升  
半分二服

足温不結胃心中懊懣飢不能食但頭汗出者此主

之○下利後更煩按之心下濡者為虛煩也此主之

屬厥陰

香豉 二兩

肥梔子 十六枚擘碎  
或作十四箇

右剉如麻豆大每服抄五錢七水二盞先煮梔子

至一盞入豉煎至七分去滓温服得快吐止後服

梔子甘草豉湯 四十六  
發汗吐下後虛煩不得眠若劇

者必反覆顛倒心中懊懣梔子豉湯主之若少氣者

此主之 屬太陽



仲景方於  
梔子豉湯

內加甘草  
二兩餘依  
前法

仲景方梔  
子豉湯內  
加生薑五  
兩餘依前  
法

梔子 七枚

甘草

豉 各一兩

右分二服以水二盞先煎梔子甘草至一盞內豉

同煎取七分去滓溫服得快吐止後服

梔子生薑豉湯

四十七

發汗吐下後虛煩不得眠若劇

者必反覆顛倒心中懊懣梔子豉湯主之若嘔者此

主之 屬太

梔子 七枚

生薑 二兩半

豉 一兩

右分二服以水二盞先煮梔子生薑至一盞內豉

同煎至七分去滓溫服得快吐止後服



活人書卷第十三終

[Large dark smudge or ink blot covering the right side of the page]

奇食二瓶以水三...

謝子

甘草

姐



活人書卷第十四

梔子厚朴湯四十八治傷寒下後心煩腹滿卧起不安

者屬太陽

梔子大者七枚擘碎厚朴去皮姜汁炙二兩枳實二枚取去穢麩炒秤一分

右剉如麻豆大分作二服以水二盞半煮至八分

去滓温服得吐止後服

梔子乾薑湯四十九治傷寒醫以圓藥下之身熱不去

微煩者屬太陽

梔子七枚乾薑一兩

仲景方梔子十四枚

仲景方梔子十四枚厚朴四兩枳實四枚水三升半取一升半分二服



三服

分去滓温服

茯苓甘草湯

五十三

傷寒汗出而渴者五苓散主之不

渴者此主之

屬太陽

桂枝

去皮

茯苓

各二兩

甘草

炙一兩

右剉如麻豆大每服抄五錢七水一盞半生薑五

片煮至八分去滓温服

甘草湯

五十四

少陰病二三日咽痛者可與服不差者

與桔梗湯

甘草

二兩

仲景方水

仲景方生  
姜三兩水  
四升取二  
升分三服

三升取一



升半服七  
合日二

仲景方水  
三升取一  
升五合分  
再服

右剉如麻豆大每服抄四錢七水一盞煮至六分

去滓温服日二服

甘草乾薑湯 五十五 傷寒脉浮自汗出小便數心煩微

惡寒脚攣急反與桂枝欲攻其表此誤也得之便厥

咽中乾煩躁吐逆者宜此藥 屬太陽

甘草 四兩 乾薑 二兩

右剉如麻豆大每服抄五錢七水一盞半煮至八

分去滓温服

炙甘草湯 五十六 治傷寒脉結代心動悸 屬太陽



仲景方甘  
草四兩人  
參二兩生  
地黃一斤  
桂枝三兩  
麻人半升  
麥門冬半  
升姜三兩  
棗十二枚  
阿膠二兩  
水八升酒  
七升取三  
升去滓內  
阿膠服  
升日三

甘草

二兩  
炙

人參

一兩

生地黃

八兩

桂枝

一兩半  
去皮

麻人

一兩  
一分

麥門冬

一兩一  
分去心

右剉如麻豆大每服抄五錢七入薑五片棗一枚  
水一盞半入酒半盞煮至八分去滓內阿膠一片

膠烱盡溫服日三服

芍藥甘草湯

五十七

傷寒脈浮自汗出小便數心煩微

惡寒脚攣急反與桂枝欲攻其表此誤也得之便厥

咽乾煩躁吐逆者作甘草乾薑湯與之以復其陽若

厥愈足溫者更與此藥

屬太陽



仲景方甘  
草芍藥四  
兩水三升  
取一升半  
分再服

仲景方厚  
朴半斤半  
夏半升甘  
草二兩人  
參一兩生  
姜半斤水  
一斗取三  
升服一升  
日三

甘草

白芍藥各二兩

右剉如麻豆大每服抄五錢七水一盞半煮至八

分去滓溫服

厚朴生薑半夏人參湯

五十八

治發汗後腹脹滿者

屬太陽

厚朴

四兩去皮

半夏

一兩一分

甘草

一兩

人參

半兩

右剉如麻豆大每服抄五錢七水一盞半生薑五

片煮至八分去滓溫服

大黃黃連瀉心湯

五十九

治心下痞按之濡其脈關上



仲景無黃芩湯二升分再服

浮者若傷寒大下後復發汗心下痞惡寒者表未解

也不可攻痞當先解表表解乃可攻痞解表宜桂枝

湯攻痞宜服此藥屬太陽

大黃 二兩 黃連 一兩

黃芩 一兩

右剉如麻豆大每服抄五錢七以百沸湯二大盞

熱瀆一時久絞去滓煖動分二服

附子瀉心湯 六十 治心下痞而復惡寒汗出者屬太陽

大黃 一兩 黃連 黃芩 各一兩

附子 一枚炮去皮破別煮取汁



仲景方湯  
二升分再  
服

仲景方黃  
連一兩黃  
芩乾姜不  
炮人參甘

右三味剉如麻豆大每服抄五錢匕以百沸湯二

大盞熱漬之一時久絞去滓內附子汁分溫再服

半夏瀉心湯 〔六十二〕 傷寒五六日嘔而發熱者柴胡湯

證具而以他藥下之柴胡證仍在者復與柴胡湯此

雖已下之不為逆必蒸蒸而振却發熱汗出而解若

心下滿而鞭痛者此為結胃也大陷胃湯主之但滿

而不痛者此為痞柴胡不中與之宜服此 屬太陽

黃連 半兩

黃芩

乾薑 炮

人參

甘草 炙各一兩

半夏 一兩一分湯洗七遍



草三兩半

夏半升棗

十二枚水

一斗取六

升去滓再

煎取三升

服一升日

三

仲景方甘

乾四兩乾

薑不炮黃

芩三兩黃

連一兩棗

十二枚半

右剉如麻豆大每服抄五錢七大棗二枚水一盞

半煮至八分去滓溫服

甘草瀉心湯 〔六十二〕 傷寒中風醫反下之其人下利日

數十行穀不化腹中雷鳴心下痞鞭而滿乾嘔心煩

不得安醫見心下痞謂病不盡復下之其痞益甚此

非結熱但以胃中虛客氣上逆故使鞭也宜服此

甘草 二兩 炙

乾薑 炮

黃芩 各一兩半

人參

黃連 各半兩

大棗 六枚

半夏 一兩一分洗



一升脫落  
參三兩水

一斗煮取

六升去滓

再煎取三

升服一升

日三

仲景方黃

芩甘草三

兩乾姜不

炮黃連一

兩半夏半

升棗十二

枚生姜四

兩水一斗

煮取六升

去滓再煎

右剉如麻豆大每服抄五錢七水一盞半煮至八

分去滓溫服

生薑瀉心湯 六十三 治傷寒汗出解之後胃中不和心

下痞鞭乾噫食臭脇下有水氣腹中雷鳴下利者 陽

黃芩

甘草 炙

人參 各一兩半

乾薑 炮

黃連 各半兩

半夏 一兩一分洗

右剉如麻豆大每服抄五錢七水一盞半生薑七

片棗子二枚煮至一盞去滓溫服

白虎湯 六十四 治傷寒脈浮滑者表裏有熱○又三陽



取三升服  
一升日三

仲景方知  
母六兩甘  
草二兩石  
壹一斤粳  
米六合水  
一斗米熟  
湯成服一  
升日三

合病腹滿身重難以轉側口中不仁面垢譫語遺尿  
發汗則譫語下之則額上生汗手足逆冷若自汗出  
者○傷寒脉滑而厥者裏有熱並主之

知母 三兩

甘草 一兩

石膏 八兩碎

粳米 三合

右剉如麻豆大每服抄五錢七水一盞半煮至八  
分取米熟為度去滓溫服

白虎加人參湯

六十五

服桂枝湯大汗出大煩渴不解

脉洪大者○傷寒若吐若下後七八日不解熱結在



仲景方於  
白虎湯方  
內加人參  
三兩餘依  
白虎湯法

裏表裏俱熱時時惡寒大渴舌上乾燥而煩欲飲水

數升者○傷寒無大熱口燥渴心煩背微惡寒者並

主之屬太陽

人參 二兩

知母 一兩

甘草 炙二兩或作半兩

糯米 一合半

石膏 四兩碎綿裹

右剉如麻豆大每服抄五錢七水一盞半煮至八

分取米熟為度去滓溫服

五苓散 六十六 太陽病發汗後大汗出胃中乾煩躁不

得眠欲得飲水者少少與之令胃氣和則愈若脈浮



浮小便不利微熱消渴者○發汗已脈浮數煩渴者

○傷寒汗出而渴者

不渴者與茯苓甘草湯

○中風發熱六七

日不解而煩有表裏證渴欲飲水水入則吐名曰水

逆者○本以下之故心下痞與瀉心湯痞不解其人

渴而口燥煩小便不利者

屬太陽

○太陽病寸緩關浮

尺弱其人發熱汗出復惡寒不嘔但心下痞者此以

醫下之也如其不下者病人不惡寒而渴者此轉屬

陽明也小便數者大便必鞭不更衣十日無所苦也

欲飲水少少與之但以法救之或渴者

屬陽明

○霍亂



頭痛發熱身疼熱多飲水者並主之屬霍亂

仲景方澤

瀉一兩六

銖猪苓茯苓

苓白朮十

八銖桂枝

半兩服方

寸七日三

多飲暖水

汗出愈

仲景方阿膠不炙水

澤瀉一兩一分

猪苓去黑皮秤

茯苓去皮秤

白朮各三分

桂枝去皮半兩不見火

右搗篩為散拌和每服抄三錢七白湯調下此藥須各自事持秤見分兩然後合

猪苓湯

六十七

陽明病脈浮發熱渴欲飲水小便不利

者○少陰病下利六七日欬而嘔心煩不得得眠者並主之

猪苓去皮

茯苓

阿膠炙過



四升煮取

二升去滓

下膠烱消

服七合日

三

仲景方扶

苓芍藥三

而人參三

兩白朮四

兩附子二

枚不炮水

澤瀉

滑石 各一兩

右剉如麻豆大每服抄五錢七水一盞半煮至七

分去滓溫服

附子湯

六十八

少陰病得之一二日口中和背惡寒者

當灸之○少陰病身體痛手足寒骨節痛脈沉者並

宜服之

茯苓

芍藥

各一兩半

人參

一兩

白朮

二兩

附子

一枚炮去皮

右剉如麻豆大每服抄五錢七水一盞半煎至七



八升者取  
三升服一  
升日三服

分去滓温服日三服

朮附湯 六十九 傷寒八九日風濕相薄身體疼煩不能

自轉側不嘔不渴脉浮虚而濡者桂枝附子湯主之

若其人大便堅小便自利者此主之 屬太陽

白朮 二兩 甘草 一兩 附子 一枚半  
炙 炮去皮

右剉如麻豆大每服抄五錢七生薑五片大棗一

枚水一盞半煮至七分去滓温服日三服一服覺

身痺半日許再服三服都盡其人如冒狀勿恠也

卽是附子與朮並走皮中逐水氣未得除故使之

仲景方生  
薑一兩半  
棗六枚水  
三升煮取  
一升分三  
服 日三  
服 別本作  
去滓渴者  
只一服



耳法當加桂一兩其大便堅小便自利故不加桂

也

仲景原文  
無骨字

甘草附子湯 七十 治風濕相薄骨節疼煩掣骨痛不

得屈伸近之則痛劇汗出短氣小便不利惡風不欲

去衣或身微腫者 屬太陽

甘草 炙

白朮 各一兩

附子 一枚炮去皮

桂枝 二兩或作三兩身腫者加防風二兩  
悸氣小便不利者加茯苓一兩半

右剉如麻豆大每服抄五錢七水一盞半煮至七

分去滓溫服汗出即解

仲景方甘  
草白朮二  
兩附子二  
枚桂枝四  
兩水六升  
煮取三升  
服一升日  
三服初服



得微汗則  
解能食汗  
出後煩者  
服五合恐  
一升多者  
服六七合  
為妙  
仲景方水  
五升煮取  
一升五合  
分服

芍藥甘草附子湯

七十二

發汗病不解反惡寒者虛故

也此主之

芍藥

三兩

甘草

三兩炙

附子

一枚炮去皮

右剉如麻豆大每服抄五錢七水一盞半煮至七

分去滓溫服

乾薑附子湯

七十二

下之後復發汗盡日煩躁不得眠

夜而安靜不嘔不渴無表證脈沉微身無大熱者此

主之

屬太陽

乾薑

一兩炮

附子

一枚生用去皮



仲景方水  
三升煮取  
一升頓服

仲景方各  
炮用薑不

右剉如麻豆大每服抄五錢七水一盞半煮至七

分去滓温服未知再服

理中圓 七十三 霍亂頭痛發熱身疼痛熱多欲飲水者

五苓散主之寒多不用水者此主之○大病差後喜

唾久不了了胃中有寒當以圓藥温之宜服此屬陰

後勞復  
病脉證

乾薑 炮

甘草 炙

人參 腹痛者  
倍之

白朮 各  
兩

右搗篩煉蜜和圓如雞子黃許大以湯數合和一



仲景方乾薑不炮水八升者最三升服一升口三服

圓研碎温服之日三夜二服腹中未熱益至三四

圓熱粥飲之微自温覆勿揭衣然不及湯又方

人參

乾薑炮

甘草炙

白朮

各三兩

腹痛者加人參一兩半寒者加乾薑一兩半渴欲

得水者加白朮一兩半臍上築者腎氣動也去朮

加桂四兩吐多者去朮加生薑三兩下多者還用

朮悸者加茯苓二兩或四肢拘急腹滿下利或轉

筋者去白朮加附子一枚生用



右剉如麻豆大每服抄五錢七水一盞半煮至八分去滓溫服日三服

四逆湯

七十四

傷寒脈浮自汗出小便數心煩微惡寒

脚攣急與桂枝湯得之便厥咽乾煩躁吐逆作甘草乾薑湯與之厥愈更作芍藥甘草湯與之其脚伸若胃氣不和與調胃承氣湯若重發汗加燒針者傷寒醫下之續後下利清穀不止身疼痛急當救裏後身疼痛清便自調者急當救表救裏宜四逆湯救表宜桂枝湯

屬太陽

○自利不渴者以其藏有寒故也當



温之宜服

属太陰

或脉浮而遲表熱裏寒下利清穀

者此並主之○少陰病飲食入口則吐心中温温欲

吐復不能吐始得之手足寒脉弦遲者此胃中實不

可下也當吐之若膈上有寒飲乾嘔者不可吐也當

温之或脉沉者急温之並宜服

属少陰

○大汗若大下

利而厥冷者或大汗出熱不去内拘急四肢疼又下

利厥逆而惡寒者或下利腹滿身疼痛者先温裏乃

攻表温裏宜四逆湯攻表宜桂枝湯或嘔而脉弱小

便復利身有微熱見厥難治此並主之

並属厥陰

○吐利



汗出發熱惡寒四肢拘急手足厥冷者吐利小便復

利而大汗出下利清穀內寒外熱脈微欲絕者此主

之屬霍亂

仲景方乾

薑不炮水

三升煮取

一升二合

再服方

甘草 二兩 炙

附子 一箇 生用

乾薑 一兩 半炮

右剉如麻豆大每服抄四錢七水一盞半煮至七

分去滓溫服。○強人加附子半箇乾薑加一兩半

四逆散 七十五 少陰病四逆其人或欬或悸或小便不

利或腹中痛或泄利下重者此主之 屬少陰

甘草 炙

柴胡

枳實 去白穰 炒黃



芍藥

已上各一兩

仲景方服方寸七泄

右搗篩為細散米飲調下二錢日三服欬者加五

利下重者水五升煮

味子乾薑各半兩并主下利悸者加桂半兩小便

薤三升取三升去滓

不利者加茯苓半兩腹中痛中加附子半枚炮裂

以散三方寸七內湯

泄利下重先濃煎薤白湯內藥末三錢七再煮一

中取一升半分再服

二沸溫服

四逆加人參湯

七十六

惡寒脈微而利利止者亡血也

此主之

屬霍亂

甘草

二兩炙

人參

一兩

附子

一枚生去皮

仲景方於四逆湯內



加人參一兩餘依四物湯法服

乾薑

一兩半炮

右剉如麻豆大每服抄五錢七水一盞半煮至八

分去滓温服日三服

茯苓四逆湯

七十七

治發汗若下之病仍不解煩躁者

茯苓

三兩

人參

半兩

甘草

一兩炙

乾薑

七錢半

附子

半箇生去皮

右剉如麻豆大每服抄五錢七水一盞半煮至八

分去滓温服

當歸四逆湯

七十八

治手足厥寒脉細欲絕者

屬厥陰

仲景方

茯苓六兩

人參一兩

甘草二兩

乾薑一兩

附子一枚

水五升

煮取三升

分三服



仲景方當

歸桂枝芍

藥細辛三

兩通草甘

草二兩棗

二十五箇

水八升煮

取三升服

一升日三

服

仲景方當

歸桂枝芍

藥細辛三

兩甘草木

通二兩棗

莢二升棗

當歸

洗

桂枝

芍藥

細辛

各一兩半

通草

甘草

各一兩炙

右劉如麻豆大每服抄五錢七水一盞半棗子一

枚煮至八分去滓溫服

當歸四逆加茱萸生薑湯

七十九

有當歸四逆湯證若

其人內有久寒者宜服

屬厥陰

當歸

洗

桂枝

去皮

芍藥

細辛

各一兩半

甘草

炙

木通

各一兩

茱萸

五兩



二十五枚  
水六升酒  
六升煮取  
五升分五  
服

右剉如麻豆大每服抄五錢七生薑四片大棗二  
枚水一盞半煮至八分去滓温服

活人書卷第十四



活人書卷第十五

通脉四逆湯

入十一

治少陰病下利清穀裏寒外熱手

足厥逆脉微欲絕身反不惡寒其人面色赤或腹痛

或乾嘔或咽痛或利止脉不出者

屬少陰

○下利清穀

裏寒外熱汗出而厥者

屬厥陰

甘草

炙二兩

乾薑

三兩炮

附子

大者一枚去皮破八片生用

右剉如麻豆大每服抄五錢七水一盞半煮至八

分去滓温服未差急更作一劑其脉續續出者愈

面赤者加連鬚葱九莖腹中痛者去葱加芍藥二

仲景方乾姜不炮水三升煮取一升二合分再服



仲景方於  
通脉四逆  
湯內加猪  
胆汁半合  
餘依前法  
服

兩嘔者加生薑二兩咽痛去芍藥加桔梗一兩利

止脉不出者去桔梗加人參二兩

通脉四逆加猪膽汁湯

八十二

治吐已下斷汗出而厥

四肢拘急不解脉微欲絕者

屬霍亂

甘草

二兩

乾薑

三兩

附子

大者一枚  
生去皮

猪膽汁

半合

右三味剉如麻豆大每服抄五錢七水一盞半煎

至八至八分去滓內猪膽汁温服其脉即來

黃連湯

八十二

治傷寒胃中有熱胃中有邪氣腹中痛



欲嘔者屬太陽

甘草炙

黃連

乾薑炮

桂枝各三兩

人參二兩

半夏二兩

右剉如麻豆大每服抄五錢七棗二枚水三盞煮

取一盞半去滓分二服

黃連阿膠湯

八十三

治少陰病得之二三日已上心中

煩不得卧者屬少陰

黃連一兩

阿膠三分

雞子黃半箇

黃芩一分

芍藥半兩

仲景方四分之一水  
取五升煮  
取二升服

即黃連雞子湯

六升服一升日三夜

一斗煮取

十二枚水

夏半升

姜不炮半

仲景方乾



七合日三服

活人書

十五卷

右剉如麻豆大每半劑水二盞煮取一盞去滓內

膠消盡內雞子黃攪令和溫服日二服

黃芩湯八十四太陽與少陽合病口下利者與黃芩湯

若嘔者黃芩加半夏生薑湯主之屬太陽○傷寒脈遲

六七日而反與黃芩湯徹其熱脈遲為寒今與黃芩

湯復除其熱腹中應冷當不能食今反能食此名除

中必死屬厥陰

黃芩一兩一分

甘草炙

芍藥各一兩

右剉如麻豆大每服抄五錢七棗子一枚水一盞

仲景方黃芩三兩甘草二兩芍藥二兩



十二枚水  
一斗煮取

三升服一

升日再夜

一

仲景方作

於黃芩湯

內加半夏

半升姜三

兩餘依前

法服

陽伯按既

云加生姜

而奉議用

之太少有

垂原旨

半煮至八分去滓溫服

黃芩或作  
一兩半

黃芩加半夏生薑湯

八十五

太陽與少陽合病自下利

者與黃芩湯若嘔者此主之

屬太  
湯

黃芩

三分

半夏

二分

芍藥

甘草

各二  
分

右剉如麻豆大每服抄五錢七水二盞生薑四片

大棗子一枚煮至八分去滓溫服

文蛤散

八十六

病在陽應以汗解之反以冷水噴之若

灌之其熱被劫不得去彌更益煩肉上粟起意欲飲



水反不渴者宜服

屬太陽

○若不差者與五苓散寒實結胃無熱證者與三物白

散雁安常云小

陷胃湯非也

仲景方五

分之一

文蛤

一兩

右一味為散沸湯和服方寸七

三物白散

八十七

治寒實結胃無熱證者

屬太陽

貝母

三分

桔梗

三分去蘆

巴豆

去心皮熬黑研如脂一分

右為散內巴豆研和以白飲和服強人半錢七羸

人可減之病在膈上必吐在膈下必利不利進熱

粥一盃利過不止進冷粥一盃身熱皮粟不解欲



引水自覆若以水噴之洗之益令熱劫不得出當  
汗而不汗則煩假令汗出已腹中痛與芍藥三兩  
如上法

十棗湯 八十八 太陽中風下利嘔逆表解者乃可攻之

其人熱熱汗出發作有時頭痛心下痞鞅滿引脇下  
痛乾嘔短氣汗出不惡寒者此表解裏未和也宜服  
屬太  
陽

芫花

炒赤  
熬

甘遂

大戟

右各等分異篩秤末合和之入臼中再杵治三百



活人書 卷五

下先以水一升半煮肥棗子一十枚煮取八合去  
滓內藥末強人一錢七羸人可半錢再單飲棗湯  
送下平旦服若下少病不除者明日更服加半錢  
利後糜粥自養合下不下令人脹滿通身浮腫而  
死

抵當圓 八十九 傷寒有熱小腹滿應小便不利今反利

為有血也當下之不可餘藥宜服 屬太陽

桃人 四箇去皮尖

大黃 三分去皮

蠱虫 五箇去翅足熬

水蛭 五箇熬去子杵碎水蛭再生化為

害尤甚須剉斷用石灰炒再熬

仲景方桃人二十箇  
大黃三兩  
蠱虫二十



五箇水蛭  
二十箇爲  
匹圓口水  
一升煮一  
圓七合

右搗篩只爲一圓水一大白蓋煮至七分頓服

時當下血不下更作之

抵當湯九十太陽病六七日表證仍在脈微而仍反

不結胃其人發狂者以熱在下焦小腹鞭滿小便自

利者下血乃愈所以然者以太陽隨經瘀熱在裏故

也或太陽病身黃脈沉結小腹鞭小便不利者爲無

血也小便自利其人如狂者血證諦也或傷寒有熱

小腹滿應小便不利今反利者爲有血也當下之不

可餘藥並宜服屬太陽陽明證其人喜忘者必有畜血

五  
十五卷  
五



所以然者本有久痰血故令喜忘屎雖鞞大便反易

其色必黑者宜此藥下之或病人無表裏證登熱七

八日雖脉浮數者可下之假令已下脉數不解合熱

則消穀喜飢至六七日不大便者有痰血宜服屬陽明

大黃 一两去皮酒洗 蠱虫 十枚去翅足熬 桃人 七枚去皮尖搥碎用

水蛭 十枚熬去子杵碎水蛭入腹再生化 為害尤甚須剉斷用石灰炒再熬

右剉如麻豆大作二服水二盞煮七分去滓温服

麻人圓 五十二 跌陽脉浮而濇浮則胃氣強濇則小便

數浮濇相搏大便則鞭其脾為約此主之明屬陽

仲景方大

黃二兩蜜

斤三十箇

桃人二十

箇水蛭三

十箇為末

水五升煮

取三升服

升不下



仲景方麻

人二升芍

藥半斤厚

朴一尺枳

實半升大

黃一斤杏

人一升

別本芍藥

四兩

麻人 五兩

芍藥 四兩

厚朴 五寸去皮

枳實 四兩

大黃 八兩

杏人 二兩半

右為散蜜和為圓如桐子大飲下十圓未知益之

日三服

茵陳蒿湯 九十二 陽明病發熱汗出者此為熱越不能

發黃也但頭汗出身無汗劑頸而還小便不利渴飲

水漿者此為痰熱在裏身必發黃或傷寒七八日身

黃如橘子色小便不利腹微滿者此並主之 屬陽

仲景方茵  
陳蒿六兩

茵陳蒿

嫩者

大黃

三錢半

梔子

大者



一黃二兩  
梳子十四  
枚水一斗  
煮取三升  
分三服

右劉如麻豆大每服抄五錢七以水二大盞先

煮茵陳減半盞次內二味煮八分去滓溫服日三

服小便當利尿如阜莢汁狀色正赤一宿腹減黃

從小便中去也

牡蠣澤瀉散五十三治大病差後從腰以下有水氣者

陰陽易差後  
勞傷病脈證

牡蠣熬

澤瀉

蜀漆

洗去腥

商陸熬

葶藶熬

海藻

洗去鹹

括樓根各等分



右為散飲服方寸七小便利止後服

竹葉石膏湯

九十四

治傷寒解後虛羸少氣氣逆欲吐

者

陰陽易差後勞復病脈證

半夏

一分湯炮洗

石膏

四兩杵碎

淡竹葉

半把

人參

半兩

甘草

半兩炙

麥門冬

二兩去心或作二兩二分

右剉如麻豆大每服抄五錢七水一盞半入粳米

百餘粒煮取八分米熟湯成去滓溫服嘔者加生

薑一兩半

仲景方半  
夏半升石  
膏一斤淡  
竹葉二把  
人參三兩  
甘草二兩  
麥門冬一  
升粳米半  
升水一斗  
煮取六升  
去滓內米  
米熟湯成

枳實梔子湯

九十五

治大病差後勞復者

陰陽易差後勞復病脈證



半米服一

升

仲景方枳

實三枚枳

子十四枚

鼓一升水

七升空取

四升内枳

實梔子取

二升下鼓

分再服

仲景方葱

作四莖姜

不炮水三

升煮取一

升分再服

枳實 一枚去穰麩炒

梔子 三兩半肥者

鼓 一兩半綿裹

右以清漿水二盞半空煎退八分内枳實梔子煮

取九分下鼓再煮五六沸去滓温服覆令汗出若

有宿食内大黃如博棊子五六枚同煮

白通湯 九十六 治少陰病下利脉微者 屬少陽

附子 一枚生用 乾薑 一兩炙

右剉如麻豆大每服抄五錢七水一盞半入葱白

四寸煮至七分去滓温服

白通加猪膽汁湯 九十七 少陰病下利脉微者與白通



湯利不止厥逆無脉乾嘔煩者此主之服湯脉暴出

者死微續者生屬少陰

仲景方猪

胆一合乾

姜一兩不

炮葱白四

莖溺五合

附子一枚

水三升煮

取一升内

猪胆溺分

再服

仲景方乾

姜一兩不

炮赤石脂

猪膽 半合

乾薑 半兩

葱白 四莖

溺 二合

附子 半箇生

右以水一盞煮至五分去滓内尿膽汁和相得分

温再服

桃花湯 九十八

治少陰病下利便膿血者或病二三日

至四五日腹痛小便不利下利不止便膿血者屬少

乾薑 一分

赤石脂 四兩一半碎



一升米一  
升水七升  
煮米熟服  
七合內矣  
石脂末方  
寸七

仲景方人  
參二兩吳  
茱萸一升  
生薑三兩  
棗十二枚  
水七升煮

右到如麻豆大每服抄四錢七入糯米一撮水一

盞半煮至一盞去滓再入赤石脂末一方寸七服

日三服若一服愈勿再服糯米或粳米

吳茱萸湯九十九食穀欲嘔屬陽明也此主之得湯反

劇者屬上焦也屬陽明○少陰病吐利手足逆冷煩躁

欲死者或乾嘔吐涎沫頭痛者此並主之屬少作厥陰

人參一兩去蘆 吳茱萸一兩六錢半湯洗三遍

右剉如麻豆大每服抄四錢七生薑四片棗子一

枚水二盞半煮至八分去滓分二服



取二升服  
七合日三

服

仲景方猪

膚一斤水

一斗煮取

五升蜜一

升粉五合

分六服

仲景方水

三升煮取

一升分再

服

猪膚湯

〔一百〕

治少陰病下利咽痛胃滿心煩者

屬少陰

猪膚

二兩六錢半

右一味以水二大盞半煮取一盞許去滓加白

蜜一合半白粉一合相和温服

桔梗湯

〔一百〕

治少陰病二三日咽痛與甘草湯不差

者

屬少陰

桔梗

一两

甘草

二兩炙

右剉如麻豆大每服抄五錢七水一盞半煮至八

分去滓温服再服



仲景方白  
飲和服方  
寸七日三  
服若不能  
散者水一  
升煎七沸  
內散兩方  
寸七更煎  
三服令小  
冷  
仲景方不  
差更作三  
劑

半夏散及湯

二百二

治少陰病咽中痛者

屬少陰

半夏

湯洗

桂枝

去皮

甘草

炙

右等分各別搗篩已令和治之每服抄三錢七水

一大盞煮至八分令冷少少嚥之

苦酒湯

一百三 苦酒 米醋是也

治少陰病咽中傷生瘡不能語言

聲不出者

屬少陰

半夏

洗碎如棗核十四枚

雞子

一枚去黃內苦酒着雞子殼中

右二味內半夏着苦酒中以雞子殼置刀環中安

火上令二三沸去滓少少含嚥之不差再服



真武湯

一百四

太陽病發汗汗出不解其人仍發熱心

下悸頭眩身瞤動振振欲擗地者此主之

屬太陽

○少

陰病二三日不已至四五日腹滿小便不利四肢沉

重疼痛自下利者此為有水氣其人或欬或小便利

或下利或嘔者此主之

屬少陰

白朮

二分

茯苓

三分小便利者去茯苓

芍藥

三分下利者去芍藥加乾薑二分

附子

一枚炮去皮破八片用二片嘔者去附子加生薑三兩或云生薑足前成三兩

右剉如麻豆大每服抄五錢七生薑四片水一盞

仲景方白

朮二兩

茯苓

藥三兩

子一枚

八升服七

合日三服

欬者加五

味子半升



細辛乾姜  
各一两小

便利者去  
茯苓下利

者去芍藥  
加乾薑二

兩嘔者去  
附子加生

薑足前成  
半斤

仲景方烏  
梅三百箇

細辛附子

人參黃蘗

半煮至八分去滓温服日三服若欬者加五味子

三分細辛一分乾薑一分

烏梅圓

一百五

傷寒脉微而厥至七八日膚冷其人躁

無暫安時者此為藏厥非虵厥也虵厥者其人當吐

虵令病者靜而復時煩者此為藏寒虵上入其鬲故

煩須臾復止得食而嘔又煩者虵聞食臭出其人常

自吐虵虵厥者此主之

屬厥陰

烏梅

七十箇

細辛

附子

炮去皮

人參

黃蘗

桂枝

各一两半去皮



桂枝六兩

乾姜十兩

黃連一斤

蜀椒四兩

當歸四兩

仲景方各  
三兩水六

乾薑

二兩半

黃連

四兩

蜀椒

去目出汗一兩

當歸

一兩

右十味異搗篩合治之以苦酒漬烏梅一宿去核

蒸之五升米下飯熟杵成泥和藥令相得肉白中

與蜜杵三千下圓如桐子大先食飲服十圓日三

服稍加至二十圓禁生冷滑膩等物

乾薑黃芩黃連人參湯

一百六

傷寒本自寒下醫復吐

下之寒格更逆吐下若食入口即吐此主之

屬厥陰

乾薑

炮

黃芩

黃連



右以大猪膽一枚瀉汁和法醋少許以灌穀道中

如一食頃當大便

燒裋散

二百十二

傷寒陰易之為病其人身體重少氣小

腹裏急或引陰中拘攣熱上衝胃頭重不欲舉眼中

生花膝脛拘急者此主之

屬易  
差篇

裋襠燒灰

右一味以水和服方寸七小便利陰頭腫即愈

仲景方曰

三服婦人

病取男子

裋襠

活人書卷第十五終



